



Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-3107-8/23 - JH/SA
Tuzla, 26.04.2024. godine

Na osnovu člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Zapisnika o otvaranju, pregledu i ocjeni ponuda dostavljenih u postupku nabavke produžene medicinske rehabilitacije za 2024. godinu broj: 03-11-1-3107-3/23– JH/SA od 19.02.2024. godine, donosi se

O D L U K A

o izboru ponuđača

Član 1.

Ovom Odlukom Ugovor o pružanju usluga produžene medicinske rehabilitacije za 2024. godinu, dodjeljuje se PZU Lječilište Aqua Bristol Tuzla i JZU Centar za fizikalnu medicinu, rehabilitaciju i banjско liječenje „Ilidža“ Gradačac.

Član 2.

U skladu sa dostavljenim ponudama, Finansijskim planom Zavoda zdravstvenog osiguranja Tuzlanskog kantona za 2024. godinu i Odlukom o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2024. godinu („Službene novine TK“ broj: 2/24), ukupno raspoloživa sredstva utvrđena Javnim pozivom u iznosu od 2.806.280 KM, će se realizovati putem ugovora sa odabranim ponuđačima, uvažavajući utrošeni iznos sredstava po zaključenom Ugovoru o kontinuitetu pružanja usluga produžene medicinske rehabilitacije do okončanja postupka javne nabavke za 2024. godinu.

Član 3.

Realizacija ugovora sa odabranim ponuđačima će se vršiti u skladu sa potrebama osiguranih lica, uvažavajući kapacitete odabranih ponuđača iskazane i prezentovane u postupku ugovaranja, uz redovnu kontrolu odabranih ponuđača u smislu ispunjavanja potrebnih uslova za pružanje predmetnih usluga prema važećem Pravilniku o bližim uslovima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine FBiH“ broj: 5/20).

Član 4.

Obzirom da je Ugovor o kontinuitetu pružanja usluga produžene medicinske rehabilitacije do okončanja postupka javne nabavke za 2024. godinu zaključen sa JZU Centar za fizikalnu medicinu, rehabilitaciju i banjско liječenje „Ilidža“ Gradačac, a da je ista zdravstvena ustanova odabrana i u postupku za 2024. godinu, u cilju kontinuiteta pružanja predmetnih usluga a uvažavajući specifičnosti istih, postupci produžene medicinske rehabilitacije po Ugovoru o kontinuitetu se neće prekidati zaključivanjem novog ugovora, ali će odabrani ponuđač biti

dužan ispostaviti račune razdvojene po B.O. danima u skladu sa datumom početka primjene novog ugovora.

Član 5.

Nakon dobijanja saglasnosti Ministarstva zdravstva Tuzlanskog kantona i Odluke Upravnog odbora Zavoda o davanju saglasnosti na zaključivanje Ugovora, pristupit će se zaključivanju Ugovora.

Član 6.

Ova Odluka dostavlja se svim učesnicima u postupku koji su dostavili svoju ponudu u skladu sa predmetnim Javnim pozivom i bit će objavljena na web stranici Ugovornog organa.

Član 7.

Ova Odluka stupa na snagu danom donošenja.

OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH", broj: 39/14 i 59/22), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2024. godinu broj: 02/1-33-032042/23 od 12.12.2023. godine, člana 12. Statuta Zavoda zdravstvenog osiguranja Tuzlanskog kantona ("Službene novine TK" broj: 4/16) i Saglasnosti Ministarstva zdravstva TK broj: 13/1-11-032715/23 od 19.12.2023. godine, objavljen je Javni poziv za dostavu ponuda za ugovaranje produžene medicinske rehabilitacije za 2024. godinu. U sistemu javnih nabavki Objavljeno je obavještenje o nabavci usluge iz Aneksa II broj: 793-9-2-16-22-245/23 od 19.12.2023. godine.

Predmet Javnog poziva je pružanje usluga produžene medicinske rehabilitacije na bazi B.O. dana, i to:

- B.O. dan – usluge fizikalne medicine i rehabilitacije;
- B.O. dan – usluge medicinske rehabilitacije kod oboljenja srca i krvnih sudova nakon hiruških postupaka.

Kriterij za odabir ponuđača je najniža ponuđena cijena.

Ponuđačima koji ponude višu cijenu od najniže ponuđena je mogućnost prihvatanja najniže ponuđene cijene.

Javnim pozivom je utvrđeno da će se Ugovor/Okvirni sporazum dodijeliti na period do 31.12.2024. godine svim ponuđačima koji ispune opšte i posebne uslove i prihvate najnižu cijenu.

Maksimalna cijena BO dana za pružanje usluga produžene medicinske rehabilitacije po kojoj će se vršiti realizacija ugovora, a u skladu sa Odlukom Upravnog odbora Zavoda zdravstvenog osiguranja TK je utvrđena na slijedeći način:

- a) za osigurano lice kojem je Odlukom Zavoda zdravstvenog osiguranja TK (u daljem tekstu: Zavod) utvrđeno pravo na produženu medicinsku rehabilitaciju cijena se utvrđuje se kao umnožak 69,50 bodova i vrijednosti boda za finansiranje Programa zdravstvene zaštite iz obaveznog zdravstvenog osiguranja za područje Tuzlanskog kantona za 2024. godinu,
- b) za pratioca osiguranog lica kojem je Odlukom Zavoda utvrđeno to pravo cijena se utvrđuje u iznosu od 50% vrijednosti iz predhodne tačke.

Vrijednost boda za finansiranje Programa zdravstvene zaštite za područje Tuzlanskog kantona za 2024. godinu iznosi 1,475 KM i može se promijeniti u skladu sa promjenom novčane vrijednosti boda za finansiranje Programa zdravstvene zaštite za područje Tuzlanskog kantona, a u skladu sa promjenom Odluke Upravnog odbora Zavoda.

Javni poziv je bio otvoren do 29.12.2023. godine do 10:00h.

Do krajnjeg roka za dostavu ponuda, dana 27.12.2023. godine u 12 sati i 36 minuta, zaprimljena je ponuda ponuđača PZU Lječilište Aqua Bristol Tuzla, a dana 29.12.2023. godine u 08 sati i 42 minuta, zaprimljena je ponuda ponuđača JZU Centar za fizikalnu medicinu, rehabilitaciju i banjsko liječenje „ILIDŽA“ Gradačac.

Analizom pristiglih ponuda, kod oba ponuđača uočena su odstupanja u kadru za koje je od strane Komisije za ugovaranje zdravstvene zaštite za 2024. godinu utvrđeno da predstavljaju manja odstupanja koja ne utiču na formalno-pravnu ispravnost ponuda. Također su tražena dodatna pojašnjenja od oba ponuđača a koja su se ticala kapaciteta, te je u tom smislu tražena informacija i od strane Ministarstva zdravstva TK.

Pojedinosti u vezi sa traženim i pristiglim pojašnjenjima kao i informacijama od nadležnog ministarstva, iznesene su u Zapisniku o otvaranju, pregledu i ocjeni ponuda dostavljenih u postupku nabavke produžene medicinske rehabilitacije za 2024. godinu broj: 03-11-1-3107-3/23– JH/SA od 19.02.2024. godine.

Po dostavljenim pojašnjenjima ponuđača, te zaprimljenom odgovoru nadležnog ministarstva, a se uvažavajući i ukupan ponuđeni spram ukupnog potrebnog broja timova, stav postupajuće Komisije je da su ponude ponuđača PZU Lječilište Aqua Bristol Tuzla i JZU Centar za fizikalnu medicinu, rehabilitaciju i banjsko liječenje „Ilidža“ Gradačac prihvatiljive.

Tačkom 6. Javnog poziva utvrđeno je da će se ponuđaču koji ponudi višu cijenu od najniže ponuditi mogućnost prihvaćanja najniže ponuđene cijene. S obzirom da je maksimalna utvrđena cijena proizvod broja bodova i vrijednosti boda, te da su oba ponuđača ponudila cijene koje su na nivou maksimalne utvrđene odnosno za 0,01 KM ispod maksimalno utvrđene cijene, postupajuća Komisija zaključuje da nije potrebno voditi aktivnosti na prihvatanju najniže cijene, već će se kao postignuta cijena smatrati cijena u iznosu od 102,50 KM.

Postupajuća Komisija je uzimajući u obzir naprijed navedeno, dala preporuku Ugovornom organu da Ugovore o pružanju usluga produžene medicinske rehabilitacije u skladu sa tačkom 8. predmetnog Javnog poziva dodijeli PZU Lječilište Aqua Bristol Tuzla i JZU Centar za fizikalnu medicinu, rehabilitaciju i banjsko liječenje „Ilidža“ Gradačac.

Realizacija ugovora sa odabranim ponuđačima će se vršiti u skladu sa potrebama osiguranih lica, uvažavajući kapacitete odabranih ponuđača iskazane i prezentovane u postupku ugovaranja, uz redovnu kontrolu odabranih ponuđača u smislu ispunjavanja potrebnih uslova za pružanje predmetnih usluga prema važećem Pravilniku o bližim uslovima prostora, opreme i kadra za osnivanje i obavljanje zdravstvene djelatnosti u zdravstvenim ustanovama („Službene novine FBiH“ broj: 5/20).

Obzirom da je Ugovor o kontinuitetu pružanja usluga produžene medicinske rehabilitacije do okončanja postupka javne nabavke za 2024. godinu zaključen sa JZU Centar za fizikalnu medicinu, rehabilitaciju i banjsko liječenje „Ilidža“ Gradačac, a da je ista zdravstvena ustanova odabrana i u postupku za 2024. godinu, u cilju kontinuiteta pružanja predmetnih usluga a uvažavajući specifičnosti istih, postupci produžene medicinske rehabilitacije se neće prekidati zaključivanjem novog ugovora, ali će se računi razdvojiti po B.O. danima kako bi se omogućila primjena različitih cijena u ugovorima i utvrditi tačna realizacija pojedinih ugovora.



POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku od 10 dana od dana prijema ove Odluke.

Dostavljeno:

1. ponuđačima (e-mail)
2. a/a



DIREKTOR

Doc.dr.sc. Denis Husić, dipl. pravnik